



Uunga:  
Inatsisartunut ilaasortaq Agathe Fontain  
C/O Inatsisartut Allattoqarfiat

### § 37 naapertorlugu apeqquut nr. 2014-155-imut akissut

Ulloq 17. juli 2014 imatut apeqquuteqarputit:

***"Innarluutillit Ado Lyngep atuarfianiittut, Nalunaarut nr. 8, juni 25-ani 2014 paragraf 56 malillugu ukiumut marloriarlutik Namminersorlutik oqartussat akiligaannik angerlarsinnaatitaappat?"***

07. august 2014  
Suliap nr. 2014-102161  
All. Nr. 1644825

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

#### Akissut:

Ilinniartitaanermut, Ilageeqqarnermut, Kultureqarnermut Naligiissitaanermullu Naalakkersuisoqarfik ilisimatitsissutigaa, Ado Lyngep Atuarfiani atuartut ukiumut marloriarlutik angalasartut, tassalu juullikkut nalaanni sulinggiffeqarnermi aasaanerani sulinggiffeqarnermi. Taakku inuit eqqarsartaatsimikkut ineriartornerminni ajornartorsiutillit kostskolini ilinniartuutigineralersarnerat inissineqartarnerallu pillugit kaajallaasitaq nr. 7/82-imi aalajangersarneqarsimapput. Ilinniartitaanermut, Ilageeqqarnermut, Kultureqarnermut Naligiissitaanermullu Naalakkersuisoqarfiup ilanngullugu ilisimatitsissutigaa aasaanerani angalanerit Namminersorlutik Oqartussanit akilerneqartartut, ukiuunneranilu angalaneq kommunerisamit akilerneqartarluni.

#### Annertuumik innarluutillit ikiorserneqartarnerat pillugu Namminersorlutik Oqartussat nalunaarutaat nr. 8, 25. juni 2014-imeersumut tunngatillugu:

2014-imi upernaakkut ataatsimiinnermi UPA/176 akuersissutigineqarpoq ima oqaasertalerlugu:

*"Meeqqat inuusuttullu 16-init 24-nut ukiullit annertuumik innarluutillit Kalaallit Nunaata avataani uningagallartut ukiumut marloriarlutik Kalaallit Nunaannut tikeraarluni angalanermut pisinnaatitaaffeqassasut erseqqissaavigeqqullugu qulakkeerneqaqqullugulu Naalakkersuisut peqquneqarnissaannik Inatsisartut aalajangiiffigisassaattut siunnersuut."*

Taamaaliornissaq inunnut annertuumik innarluutilinnut ikiorsisarneq pillugu Namminersorlutik Oqartussat nalunaarutaat nr. 8, 25. juni 2014-imeersumi § 56-ikkut qulakkeerneqarpoq.

Tassunga ilanngunneqarsinnaavoq inunnut annertuumik innarluutilinnut ikiorsisarneq pillugu Inatsisartut peqqussutaanni § 7, imm. 2 nr. 9-mi aalajangersagaammat kommunalbestyrelsit ikiorsiiniutitut inunnut annertuumik innarluutilinnut tikeraarluni angalanissaq imaluunniit sulinggiffeqarluni angalanissaq inuup angerlarsimaffimmi avataani

paaqqinnittarfimmiinneranut atatillugu neqeroorutigisinnaagaat. Peqatigitillugu inunnut annertuumik innarluutilinnut ikiorsiisarneq pillugu Namminersorlutik Oqartussat nalunaa-rutaat nr. 8, 25. juni 2014-imeersumi aalajangersarneqarpoq inuk annertuumik innarluu-tilik innarluutiminik pissuteqartumik angerlarsimaffimmi avataaniittoq ukiumut ataasiar-luni angerlamut tikeraarluni angalanissaminut ikiorsinneqarsinnaasoq.

Nalunaarummilu tassani § 55-imi aalajangersarneqarpoq inuit 18-it ataallugit ukiullit an- nertuumik innarluutilit saniatigut ukiumut tikeraarlutik angalatinneqarsinnaasut angajoq- qaatut oqartussaassusilimmu attaveqaannarnissamut tamanna pisariaqartitaagaangat.

Namminersorlutik Oqartussat pinnatik kisiannili kommunalbestyrelsit sulinngiffeqarluni tikeraarlunilu angalanernut aningaasartuuteqartarput, takuuk inunnut annertuumik innar- luutilinnut ikiorsiisarneq pillugu Inatsisartut peqqussutaanni § 26, imm. 1.

Inussiarnersumik inuulluaqqusillunga



Martha Lund Olsen